



Inatsisartuni ilaasortaq
Karl Lyberth

Inatsisartunut ilaasortap Siumumeersup Karl Lyberth-ip Maniitsup Peqqissaaviani nakorsaqarneq pillugu § 37-naapertorlugu Naalakkersuisunut apeqqutaanut akissut

08. august 2012
Sagsnr. 2012-071055
Dok. Nr. 983883

Inatsisartunut ilaasortap Karl Lyberth-ip apeqqutaanut qujavunga.

Postboks 1160
Tlf: 34 50 00
Fax: 32 55 05
3900 Nuuk

Email: pn@nanoq.gl
www.nanoq.gl

1. Maniitsup Peqqissaaviani pissutsinut kina akisussaasuua?

Qeqqata Peqqinnissaqarfiani pisortat peqqinnissaqarfimmi qullersaasut suleqatigalugit Maniitsup Peqqissaaviata ingerlanneqarnera pillugu aalajangersakkat akisussaaffigaat.

2. Maniitsup Peqqissaaviata marluinnarnik nakorsaqarnissaa kia aalajangiivigaa?

Qeqqata Peqqinnissaqarfiani pisortat peqqinnissaqarfiup qullersaqarfianik isumaqatiginninnikkut Qeqqata Peqqinnissaqarfiata matumanilu pineqartup Maniitsup Peqqissaaviata qassinik nakorsaqarnissaa pilersaarusiortaat. Nakorsat amerlassusissaat aningaasaliissutinut innuttaasullu katitigaanerannut nalimmassagaavoq.

3. Maniitsup Peqqissaaviani marluinnarnik nakorsaqalernissaa qanga aalajangiivigineqarpa suullu tamatumunnga tunngavigitinneqarpa?


Maniitsup 2,66-inik nakorsaqartussatut aalajangiivigisaavoq.

Nakorsaqarnerli tamatumunnga annertuneruvoq peqqinnissaqarfiummi immikkoortuani nakorsat pisortaata agguaqatigiissillugu qaammammut ullut tallimat Maniitsumiittarpoq, ukiumullu ullut 18-it atorlugit nunaqarfinnut angalasarluni. Taamaasilluni peqqinnissaqarfiup immikkoortuani nakorsat pisortaata ukiumut katillugit ullut 78-it tassalu qaammatit pingasut nakorsatut Maniitsumi suliffigisarpai, tamatumalu saniatigut attaveqatigiinnikkut aqutsinikkullu sulissat isumagisarlugit. Soorunalumi nakorsanik Maniitsumi pigaartoqartarnera ilanngullugu oqaatigineqassaaq.

4. Maniitsup Peqqissaavia marlunnik nakorsaqartinneqaannassava imal. tamanna utaqqiisaagallartumik aaqqiinerua? allannguutissanillu eqqarsaatersortoqarpa?

Apeqqutit pingajuanni akissummi qassinik nakorsaqarnermut tunngatillugu aalajangersagaq allanngortinniarneqanngilaq. Innuttaasut katitigaanerat, aningaasaliissutit Maniitsullu Peqqissaavianut nakorsanik atorfinitsitsiniarneq allannguuteqassappata, nakorsat amerlassusissaannik aalajangersagaq allaannguuteqarsinnaajumaarpoq.

Inussiarnersumik inuulluaqqusillunga


Agathe Fontain